



Inatsisartuni ilaasortaq, Randi Vestergaard Evaldsen, Demokraatit

E-maili nassiunneqassaaq: inatsisartut@inatsisartut.gl

17-12-2018
Sagsnr. 2018 - 26014

**Kalaallit Nunaanni sermimik/nilammik imermillu tunisassiornissamut
tunngatillugu §37 aallaavigalugu apeqqummut nr. 313-imut akissut**

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Asasarput Randi Vestergaard Evaldsen

Inatsisartut suleriaasianni § 37-imi imm. 1 aallaavigalugu Naalakkersuisunut Kalaallit Nunaanni sermimik/nilammik imermillu atuinnermut aammalu avammut tunisassiorneq pillugu aperisimavutit. Akissuteqaatinni apeqqutigisimasatit ilanngunneqarsimapput.

**1. Kalaallit Nunaata ukiorpassuarni sikumik/nilammik imermillu
tunisassiulernissaq aallartinniartarsimagaluarpaan annerusumilli
kinguneqanngitsumik. Tassunga atatillugu paaserusuppara nunat allamiut
nilammik imermillu tunisassiortut nunatsinni imermik
tunisassiulernissamut aningaasaleerusunnginnertik pillugu qanoq
oqarsimanersut?**

Akissut:

Naalakkersuisut 2018-imi sermimik/nilammik imermillu avammut tunisassiortoqarnissaanut periusissiorortoqarnerata nalaani misissorneqarpoq suliffeqarfiit sinaakkutaat qanoq pitsanngorsarneqarsinnaanersut.

Suliffeqarfiit tunisassiulernissaasa ajornannginnerulernissaat nalilerneqarpoq. Suliffeqarfiit tunisassiulinnginnerminni suminngaanniit imeq maqitissanerlugu misissoqqaartariaqarpaat. Taamaattumik Naalakkersuisut periuseq killormut saassimavaat. Naalakkersuisut GEUS (Danmarkimi Kalaallit Nunaannilu nuna tamakkerlugu nunalerisut) peqatigalugu piffiit maqiteriviusinnaasut sumilu annertunerunersut inissiisoqarsimavoq. GEUS-ip misissuineri tamanut suliariumannittussarsiorortoqarneri ilutigalugit saqqummiunneqartassapput, taamaasiornikkut soqutiginnittut paasissutissat tamakkerlugit pissarsiarisinnaassavaat. Paasissutissat taakkua **suliffeqarfinnut** aallartinniartunut

oqilisaataassapput. Naalakkersuisut GEUS-ip misissuiffigisimasaanni tamanut suliarinnittussarsiuussinissat 2019-imi januarip aallartinnerani ingerlannelernissaat sulissutigivaat.

Naatsorsueqqissaartarfik PwC peqatigalugu akileraarutit akitsuutillu suliffeqarfinnut unammilligassaassanersut misissorneqarsimavoq. Misissuinerit takutippaat Kalaallit Nunaanni imermik puiaasamut tunisassiortoqarniarnermi suliffeqarfiup akileraarutissaata tunisassiallu akileraarutiginissaata inissisimaneri nunanut allanut sanilliullugu qaffasissumiittut. Sermimut/nilammut imermullu inatsit Inatsisartut novembarip 13-iat 2018-imi akuersissutigisaanni akileraarutissat akitsuutissallu eqqarsaatigalugit inuussutissarsiorfinnut tamanna pitsaasumik inissisimassaaq. Assersuutigalugu sermimik/nilammik imermillu tunisassiornermi royalty liiterimut 0,10 øreminngaanniit 0,04 øremut apparneqarpoq.

Suliffeqarfiit pitsaanerusumik sinaakkuteqarnissaannut kissaateqartoqarsimanera aamma nalilerneqarsimavoq. Tamanna aaqiiffiginiarlugu sermimut/nilammut imermullu inatsisiliortoqarsimavoq. Inatsisit nutaat aallaavigalugit pitsanngorsaasoqarpoq qinnuteqarnermilu periuseq aamma ajornannginnerulersinneqarluni. Inatsimmi suliffeqarfinit kissaatigineqarsimasut ilaat, tassa suliffeqarfiit namminneerlutik tunisassiami imaatigut assartorneqarnissaannut qulakkeerinnissinnaalernissaat, Royal Arctic Linemik atuinissamut piumasaqaateqartariaqanngitsoq aamma anguneqarpoq.

2. Naluneqanngilaq nioqqutissanik avammut tunisassianik assartuineq akisoorujussuusoq tassunga ilanngullugu minnerunngitsumik imermik nilammillu assartuineq. Taava sunaana pissutaasoq Naalakkersuisut sikumik/nilammik imermillu tunisassiulernissamut pilerisaariuarnerannut (takuuk konto 64.10.27 Inuutissarsiornermut siuarsaaneq aamma suliniutinik pilerisaarineq) naak takuneqarsinnaagaluartoq nunatsinni sikumik/nilammik imermillu nioqqutissiorluni aallartitsinissamut aporfiit annersaarisaat, tassaasoq aningaasartuutit qaffasinnerujussuat?

Akissut:

Apeqquut 1-imi akissut takuuk

3. Maannakkut siunissami sikumik/nilammik imermillu tunisassiulernissaminnut eqqarsartut aningaasartuutaat ikilisarumallugit Naalakkersuisut suliniutinik sunik aallartitsilersaarpap tunisassiamik iluanaarutigisinnaasatsinnik pilersitsisinnaaqulluta?

Akissut:

Apeqqup 1-imi akissut takuuk


4. Suliamut tunngatillugu Naalakkersuisut allanik soqutiginartunik paasissutissaateqarpap?

Akissut:

Apeqqup 1-imi akissut takuuk.

Inussiarnersumik inuulluaqqusillunga

Med venlig hilsen



Aqqalu Jerimiassen